

24 AUG 1996

PERUTUSAN AGONG UNTUK HARI KEMERDEKAAN URUGUAY

KUALA LUMPUR, 24 Ogos (Bernama) -- Yang di-Pertuan Agong Tuanku Ja'afar dan Raja Permaisuri Agong Tuanku Najihah telah mengirimi perutusan kepada Presiden Uruguay. Dr Julio Maria Sanguinetti sempena dengan hari ulang tahun kemerdekaan negara itu esok.

Baginda berdua menyatakan harapan semoga rakyat negara Amerika Selatan itu akan terus menikmati keamanan, kemajuan dan kemakmuran.

"Kami masih ingat saat-saat gembira lawatan tuan ke Malaysia baru-baru ini yang telah memupuk persahabatan yang erat antara Malaysia dan Uruguay," titah Tuanku Ja'afar.

Perdana Menteri Datuk Seri Dr Mahathir Mohamad dalam perutusan yang sama kepada Sanguinetti berharap Uruguay akan terus maju dan meningkatkan sosio-ekonominya di masa depan.

Beliau juga berharap lawatan Sanguinetti ke Malaysia baru-baru ini akan memberi laluan kepada kerjasama yang lebih erat lagi antara kedua-dua negara.

Menteri Luar Datuk Abdullah Haji Ahmad Badawi juga mengirimi perutusan yang sama kepada rakan sejawatannya di Uruguay, Alvaro Ramos Trigo. --

BERNAMA

MAM WAT